



ევროკავშირი
საქართველოსთვის
The European Union for Georgia



მიგრანტი

ჩანართს გამოსცემს
ახალგაზრდა მეცნიერთა
კავშირი „ინტელექტი“.

№24 / 2017

წარმატებული ბენეფისიარები

ახალგაზრდა მეცნიერთა
კავშირი „ინტელექტი“
ეკოლოგიური და შრომითი
მიგრანტებისთვის
ახორციელებს პროექტს
„მიგრანტთა მდგომარეობის
გაუმჯობესება აჭარის
რეგიონში“. პროექტის
ერთ-ერთი მნიშვნელოვანი
კომპონენტია მცირე ბიზნესის
დაფინანსების საგრანტო
პროგრამა. პროექტის
ფარგლებში ამ ეტაპისთვის
14 ბიზნესი დაფინანსდა.

ჩანართი მომზადებულია
ევროკავშირის ფინანსური
მხარდაჭერით, პროექტის „მიგრანტთა
მდგომარეობის გაუმჯობესება აჭარის
რეგიონში“ ფარგლებში. ტექსტში
მოყვანილი მოსაზრებები შეიძლება
არ ემთხვეოდეს ევროკავშირის
ოფიციალურ პოზიციას.

ჩანართის რედაქტორი: სალომე აბულაძე
მისამართი: ბათუმი, ფიროსმანის № 18
ტელ.: 24 16 40; ფაქსი: 24 16 50
მობ: 592 57 18 00
ელფოსტა: info@intellect.ge
ვებგვერდი: intellect.ge



„წლის ბოლოს 800 კილოგრამ თაფლს ველოდები“

43 წლის გენადი ქოქოლაძე ეკომი-
გრანტია. ის ხელვაჩაურის მუნიცი-
პალიტეტის სოფელ ჩიქუნეთში ცხო-
ვრობდა, მაგრამ სახლთან ახლოს
მდებარე კლდიდან ჩამოცვენილმა
ქვებმა მისი საცხოვრებელი დაზიან-
ა. დღეს გენადი თავის ოჯახთან ერ-
თად კაპრეშუმის სოციალურ სახლში
ცხოვრობს.

გენადი ქოქოლაძე: „ინტელექტის“
წარმომადგენელი თვითონ დამიკავ-
შირდა. ვფიქრობ, მათ ეკომიგრანტე-
ბის ბაზა მოძიებული ჰქონდათ, რად-
გან აქ, სოციალურ სახლში, ჩემი მეზო-
ბლებისგანაც მესმოდა მათი საინფორ-
მაციო ზარებისა და ადგილზე განხორ-
ციელებული ვიზიტების შესახებ. და-
ვინტერესდი და უფრო მეტი ინფორ-
მაციის მისაღებად „ინტელექტის“
ოფისში მივედი.

ჩავერთე პროექტში „მიგრანტთა
მდგომარეობის გაუმჯობესება აჭარის
რეგიონში“ და გრანტის მოსაპოვე-
ბლად ბიზნესიდეა წარვადგინე. გამი-
მართლა, გრანტი მოვიპოვე და დღეს
მე ჩემს საყვარელ საქმიანობას ვაგრ-
ძელებ. საქმის ხალისიც თავისით და-
მიბრუნდა“.

როგორც გენადი ამბობს, მეფუ-
ტკრეობას 10 წელია მისდევს:

„ინტელექტისგან“ მიღებული გრან-
ტით შევიძინე ფუტკრის 40 ოჯახი. 10
ოჯახიც ჩემი ფუტკრებისგან შემომე-
მატა და უკვე სამოცი ოჯახი მყავს.
წლის ბოლოს სულ მცირე 800 კილო-
გრამ თაფლს ველოდები. ჯერჯერო-
ბით ფუტკარი სოფელში მყავს, რად-
გან ნაბლის ყვავილობის დროა. აგვის-
ტოდან კი, უკვე ჩამოვალთ ქალაქში.

ჩვენ მომხმარებელს ვთავაზობთ ნა-
ტურალურ თაფლს, ასევე სანთელს,
დინდგელს. ოჯახისთვის ვამზადებ თა-
ფლის არაყს, ცოტას გასაყიდადაც.
ფუტკრების მოვლაში ჩემი მეუღლე
მეხმარება.

ვგეგმავ ჩემი მეურნეობის გაზრდა-
გაფართოებას და ახლო სამეზობლო-
სამეგობროს დასაქმებას. ასევე, სურ-
ვილი მაქვს, ისინი წავახალისო – ფუ-
ტკრის ახალგამოჩეკილი მართვეს თი-
თო ოჯახი ვაჩუქო, რათა ისინიც დაინ-
ტერესდნენ მეფუტკრეობით. მე კი,
რაც შემეძლება დავეხმარები, გა-
ვუზიარებ ჩემს ცოდნას.

კაპრეშუმის სოციალურ სახლში
მცხოვრებ ეკომიგრანტებს ვურჩევ,
ვის რისი გაკეთება-განხორციელების
შესაძლებლობაც აქვთ, გამოიყენონ ეს
შანსი, იფიქრონ საკუთარი ბიზნესის
შექმენასა და განვითარებაზე.“

„ნული თეთრითაც კი შეიძლება დაინყო ბიზნესი“

„ინტელექტისგან“ გრანტი 53 წლის შრომითმა მიგრანტმა ცისანა ვარშანიძემ მიიღო და საკონდიტრო გახსნა.

ცისანა ვარშანიძე: „წლების განმავლობაში სხვადასხვა სარიტუალო დარბაზში ვმუშაობდი და ამ გზით ვცდილობდი ოჯახის ეკონომიკური მდგომარეობის გაუმჯობესებას. ბოლო 8 წლის განმავლობაში სამუშაოდ თურქეთის რესპუბლიკაში დავდიოდი. ანაზღაურება ოჯახისთვის საკმარისი რომ არ იყო, ამიტომ ჩემს ქალიშვილთან ერთად ტორტების ცხოზა დავინყე. ლუიზას, ჩემს შვილს, კარგი ბისკვიტები გამოსდიოდა, მე კი – ცომეული.

ერთ დღესაც ჩემმა შვილმა მეგობრისგან გაიგო, რომ „ინტელექტი“ ევროკავშირის ფინანსური მხარდაჭერით ახორციელებს პროექტს – „მიგრანტთა მდგომარეობის გაუმჯობესება აჭარის რეგიონში“, რომლის ფარგლებშიც გასცემს ბიზნესგრანტებს. მთხოვა, ჩავერთოთ და საკონდიტრო გაეხსნათო. ამ საკითხს ჯერ ეჭვის თვალით შევხედე, მაგრამ ლუიზამ დამიყოლია და ორგანიზაციის ოფისში ერთად მივედი.

ტრენინგებზეც ლუიზასთან ერთად დავდიოდი. შევიტანეთ ბიზნესგანაცხადი და პასუხიც მალევე მოგვივიდა: დაგვაფინანსეს! მრავლობითი იმიტომ ვლაპარაკობ, რომ რომ არა ჩემი შვილი, მე დღეს საკუთარი საკონდიტრო არ მექნებოდა. ის აქტიურად იყო ჩართული ყველა წვრილმან საქმეშიც კი.

პროექტში ჩართვით ძალიან კმაყოფილები ვართ. მიმაჩნია, რომ გრანტის მიღებით მინიმუმ ხუთი წლის დაბრკოლებები ჩამოვიშორეთ. „ინტელექტის“ ფინანსური დახმარებით შევიძინეთ: მიქსერი, ელექტროლუმელი, გაზქურა, მაცივარი, ჭურჭლის სარეცხი მანქანა...

მომხმარებელს ვთავაზობთ უგემრიელეს ტორტებს, ნამცხვრებსა და ბაჭლავას. მოთხოვნის შემთხვევაში ვამზადებთ ხაჭაპურსაც.

ვმუშაობთ მხოლოდ შეკვეთებზე, რადგან ჩვენი საკონდიტრო მთავარი მაგისტრალიდან (ფრიდონ ხალვაშის გამზირი) რამდენიმე წუთის სავალზეა, შეკვეთები ყოველდღიურად გვაქვს, დღეში მინიმუმ სამ ტორტს ვაკეთებთ. ყოფილა დღე, 8 ტორტიც გაგვიკეთებია. ძირითადად 30-35-ლარიან ტორტს



გვიკვეთავენ, იშვიათად, 20-ლარიანს. ჩვენ მიტანის სერვისიც გვაქვს. ქალაქის ფარგლებში მიწოდების საფასური 5 ლარია.

გრანტის მიღებამდე იყო შემთხვევები, როცა კლიენტები მირეკავდნენ და მეკითხებოდნენ, რომ 15-20-ლარიანი ტორტი ხომ არ გვქონდა მზად, უცებ რომ ამოველოთ და წაელოთ. ასეთ შემთხვევებში ჩვენ უარის თქმა გვიწევდა. დაფინანსების შემდეგ კი, მომხმარებლისთვის უარი აღარ გვითქვამს. უკვე სხვადასხვა ზომის მზა ბისკვიტები გვაქვს. ადრე თუ ერთი ტორტის გამზადების შემდეგ რამდენიმე საათი ჭურჭელს ვრეცხავდით, ახლა იმ დროს ბისკვიტების ცხოზას ვანდომებთ და შეკვეთიდან 15 წუთის განმავლობაში ტორტი მზად გვაქვს.

მსურს გავზარდო ბიზნესი, გავაფართოვო და ქალაქშიც გავხსნა ფილიალი, რომელსაც ლუიზა უხელმძღვანელებს, წლების შემდეგ მას რამდენიმე საკონდიტროს მენეჯერად წარმოვიდგენ.

მინდა ყველა მიგრანტს გითხრათ, რომ ნული თეთრითაც კი შეიძლება დაინყო ბიზნესი. მთავარი მონდომებაა და ყველაფერი გამოვა.“